

陳眉公集

陳眉公集卷之四

雲間陳繼儒仲醇著

五言絕句

六言絕

七言絕

詞

竹

直竹寧爲竿曲竹寧爲杖莫以不韻人題詩粉花上  
遠興

涼雲如水流遠度鶴巢去林葉歷亂飛仙人嘯高樹

新秋寓山寺作

禪誦晚風前風微遙暮蟬起來池上坐洗鉢證青蓮

贈山友

長安諸大人夢逐車馬足誰能坐山亭隔橋望空谷  
題扇頭芭蕉

芭蕉大於扇覆君之古書門外有客來買得新鱸魚  
登烟雨樓值雨

烟雨織湖光半露垂楊樹却笑來游人翻因烟雨去  
題畫

我愛虎頭筆能倣雲林子十日畫一山五日畫一水  
題季仲舉扇

秋高木葉丹月出水容白吹笛看飛鴻我是烟波客

山居

我欲鞭白驥往來山水杪頭上有殘雲足下有飛鳥

詠古

穆天子

白雲滿瑤池爲爾歌且飲三年復來翔何以娛樂朕

韓重答紫玉歌

鴛鴦飛差池載鳴還載悲情知有張羅到死不相離

細腰宮

朝來不飽粟夜來侍君宴妾腰如柳絲東西任風捲

五大夫松

咸陽一炬火宮殿成荒蕪瞻彼山上松猶稱五大夫

鴻門碎玉斗

咄哉唉孺子乃爲漢所誘玉玦爾無成玉斗爾何有

江皋解佩

相見不相識可望不可呼明月照空水猶疑遺珮珠

李夫人

金屋網流塵蠹風吹錦茵珊瑚環珮聲欲去還逡巡

青塚

一自埋胡土荆榛掩墓門至今明月夜青草語黃昏  
爨下琴

軫以白玉絃塗以賚金徽寧知爨下材清音世所希

白門柳

宛彼白門柳垂條近左肘夜月宿宮鴉春風對別酒

鄭櫻桃

婉變鄭櫻桃無奈此狡童挾彈長安街賣珠館陶官

習家池

渴取明月食醉取浮雲眠安得習家池忽然化酒泉

玉鏡臺

遺妾玉鏡臺白色那可比偷視溫家兒兩鬢亦如此

贈金陵汪妓

新燕才命子水桃初着花王昌爲主舍朱玉是東家

詠花竹十二絕

木筆

春雨綠窓紗辛夷弄影斜曾窺江夢裡彩筆忽生花

山茶

少竹倚朱顏  
猗妮山園裏  
何如玉川翁  
松風煮秋水

蘭

誰將清淨水  
浣茲根與塵  
幽香不出戶  
本色住山人

風竹

藤枕浚高眠  
窓頭忽驚寢  
不是故人來  
風弄新篁影

梅花

開時在花始  
画時在花終  
名遂乃身退  
汝乃善居功

蓮花

吾欲採蓮花  
安坐如車輪  
吾欲採蓮葉  
酌酒弄明月

芍藥

上巳臨溱洧春風贈一枝枝頭花落後留意結相思

菊

桃李領春色黃花點秋容萬物各有時而况真英雄

茱萸

美人新浴罷團扇慵無力月白香風來倚闌空嘆息

繡毬

白玉琢花文紛紛復似雲休教獅子吼攬亂一團春

桂

有人夢廣寒叢桂數千樹宮門鎖不開留在眉公住

方竹

外方而內虛得道已無上不劙漁郎竿還劙仙人杖

題淡雲上人碧桃園

寂寂倚春風但伴竹與石禪心淨如水洗盡朱顏色

贈三懷和尚

有一大比丘能持菩薩戒長讀南華經青松寒影下

贈素雲上人

每到山中來山僧滌殘墨何時拂衣去長嘯看天色

題竹石茅屋圖

竹色冷于泉泉聲響于竹有客對山僧幽吟白茅屋  
春日山中人招飲

醉舞春山中雙袖如飛霞倦倚白石根遠見櫻桃花  
題淡雲上人綠筠圖

手書華嚴經已得三四卷鷓鴣啼竹中說偈自清遠

題雲山圖

山高鳥不巢水清龍不住至人冥是非一味模糊樹  
耽隱

醉鄉真太上高枕亦何言我意誰能解青松暗暮泉

秋郊晚酌

漁郎不採魚維舟在高柳日暮浦沙明秋霞落杯酒

題竹柳圖懷古

竹以招伯夷柳以招靖節安得同此人踏殘滿庭月

相如滌器

有婦顏如花有酒色如銀擁婦復飲酒長卿不自貧

解語花

嘆妾解語花妾小不解語所以君王前常呼爾與汝

眉公集  
卷之二  
重登烟雨樓作

樹色度平沙雞聲在空水高秋獨上樓風晴亦烟雨

題紅梅

十月衆芳歇寒風更淒咽一點漏春光紛紛落紅雪

題周草窓草窓閒讀画扇

不逐車馬塵幽懷託空谷開窓讀素書雨餘春草綠

題孫侍洲東方朔圖

吾聞上元桃其核及徑尺持贈孫山人同作東方客

戲題范長白夫人團扇

一幅鵝湖絹裁作白團扇非以比妾容聊以障郎面

贈周草窓

老遲因性慢無病爲心寬紅杏難禁雨青松耐歲寒

贈五湖漁父五首

吳興周叔隱

風風雨雨中新得老漁父長嘯不驚鷗花溪蕩雙櫓

其二

月出浦沙明掀蓬望高柳癡筆寫青山換得烏程酒

其三

醉披白鷺蓑撥入寒山影模糊雲在頭蘋殘笛聲冷

其四

樵青與釣童響人復安在周郎三尺竿補公烟雲債

其伍

閒來自洗硯愁來長讀書却笑陶柴桑二子荷藍輿

山居二首

我筑讀書臺滿種芭蕉樹夜聽風雨聲閒來寫詩句

其二

飛瀑界桃花幽雲幕修竹門外無人來家中有書讀

過習靜山寮遇西域釋

卽翠微深處

不講生八法不譯蠻僧偈枝頭春鳥啼如來親授記

讀書村遇雪

名僧與韻士翕集我山家鳥亦頗不俗雪裏餐梅花

其二

群鳥鬧枝頭不避風雪冷我亦如鳥忙欲立高峯頂

六言絕句

過虎丘

雨過石生五色山餘雲度數層時有炊烟出樹中多

隱士高僧

唐公集  
卷之三  
寄居山寺

且從山水去來莫問是非今昨衲僧掃地焚香童子  
開籠放鶴

自詠

若非睥睨乾坤定是流連光景半瓢白酒初醒一卷  
賛庭高枕

贈道南上人

達磨踏西而去誰知此道南來了却本無住着請看  
鹿印空苔

贈雲麓上人

雲去雲來空谷壁苔暗生茅屋日斜一卷法華坐對  
飛泉自讀

九月一日作

籬下黃花堪把城頭風雨初來欲問重陽消息不知  
何處登臺

春日山居睡起卽事

手持斑竹鋤頭睡起刪花理草忽然走入深林驚散

一羣費鳥

小崑山聽經畢作

聽罷一叅法語散堂三僧五僧塵尾却歸何處月明  
山頂松棚

贈龍塘上人

每欲一挑山月笑尋大小龍湫何似寒塘半頃寥花  
白鳥清秋

題野僧茅舍

剪得白茅縛屋半界山涯水粉嬾向軒前補衲衲破  
自有殘雲

題山中臨水僧舍

石橋忽斷空沙垂楊影帶蒹葭客至一鑪薪火半是  
門前浪花

坐僧舍紫藤花下

曾訪雪公到此藤間一坐殘花花落山僧掃盡客來  
唯有新茶

七言絕句

題觀濠堂三首

楊柳垂枝掃落花花飛起處是誰家曲城新築觀濠

室十里桑麻五色瓜

其二

城頭人向樹頭行半聽歌聲半鳥聲此日觀濠堂上客何星不是白長庚

其三

粉榭朱廊遶曲城花枝竹篠水痕平此中幸有吾師在日日雙柑醉聽鶯

池上作二首

一溪樹色一簾烟茗椀薰爐秋水篇正合香山居士

匱芙蓉開在臥床前

其二

曉起科頭坐竹邊無聊柱頰更高眠何來瑟瑟松風度却是花闌沸茗泉

題壽山福海圖二首

酒甕嘈嘈杞菊香解衣松下月清涼年來數畝山田熟半作花殘半鶴糧

其二

蕭蕭綠髮映朱顏買鶴修琴不記年門外客來無酒

器鐵冠長吸杏花泉

贈山中人

松邊老鶴雪爲翎三足磁爐數卷經彈罷桐絲過山去風吹芝草滿籃青

題士倩畫

翩翩俠骨校君才才寫殘山未點苔爲我并收圖匣裏秋風載酒送花來

送人還山

一片空青遙遠鍾聲出處冷雲封採得黃花送歸

棹臨行又贈白芙蓉

游仙詩

閒將虎子浴前池有女如花坐奕棋羸得一雙紅玉板逢人便唱踏歌詞

限韻香字

簷鳥初喧午夢長荷花開盡白蘋香釣簾撥出爐頭火摹得黃庭一兩行

長夏訪鄉居友人

槐榦踈踈急暮蟬看人洗馬月初圓博山沉水香烟

靜楊柳灘邊刺小舡

題趙子尊畫

老後支筇已不勝興來猶上最高層長松落落微陰  
裏卽少斜陽掃葉僧

壽朱錦林母七十

五色雲綃白髮新前身原是魏夫人一從鶴別西池  
後猶有青蓮花在巾

題壽金少愚

海上仙人髮亂飄醉騎玄鶴上青霄此來欲渡金安

壽贈得千年斗大桃

春游過貞女墓有感

濯濯新楊破水痕  
壘壘孤塚瘞貞魂  
鳥啼深竹藤花落  
落日輕烟罩墓門

春閒曉起

一簾晴色養花風  
鸚鵡馴人不閉籠  
曉起恰當殘月白  
提壺親自洗梧桐

湘妃竹

已下二十絕詠古

翠筠點點滴珊瑚  
帝子春魂若可呼  
夜半洞庭風雨

過不將清淚滴蒼梧

秦王卷衣

雲錦霞綃五色輝  
卷來香霧襲人衣  
龍陽只解新承寵  
夜月流黃不下機

吳王試劒石

空山片石護蒼苔  
醉倚秋風一劒開  
荆棘蕭蕭零露白  
夜深麋鹿下荒臺

高帝斬蛇劒

王氣千年屬至尊  
劒梢星古赤花昏  
陰陰大澤黃雲

起空望咸陽哭帝闇

賈佩蘭出爲段儒妻

天上人間不可期扶風月色淡娥眉御溝一片楊花  
水曾入深宮百子池

探丸

夜行曾不問金吾走馬探丸意氣粗斫吏歸來明月  
落劔花寒濺血模糊

藏鈎

隔牆垂柳似章臺花濕胭脂帶雨開若個巧藏鈎在

周易集  
卷四  
十四  
手盈盈含笑誤人猜

蹴踘

繡陌花明草色繁  
綵毬飛處萬人看  
不禁香汗羅衣濕  
其奈輕腰錦帶寬

鞦韆

粉蝶朱欄挂綠楊  
春風飄蕩綵絲長  
只緣睡起嬌無力  
落地花泥滿繡裳

春日獨當壚

石榴裙帶漾春風  
酒幕高張綠樹中  
脫下金貂須醉

飲阿郎騎馬獵新豐

七寶避風臺

太液春風絕可憐朝來吹綠一池烟雲輶錦障當空  
起千尺金臺九品蓮

薛夜來

紅粉三千獨擅名暗縫龍袞自分明六宮減却驪珠  
價神女新來不夜城

清夜游西園

蘭葉踈踈白露溥珠簾銀燭夜光寒西園公子風流

甚千古才名屬建安

愛妾換馬

紅顏黯淡被新裳  
紫燕翻飛服上襄  
摠愛桃花文五色  
寧憐柳葉淚千行

采蓮曲

雙雙齊唱采蓮歌  
十里荷花暗綠蘿  
不怕溪頭秋水濶  
由來少小慣風波

若耶溪

苧蘿山下住西施  
昔在吳宮今在誰  
流水無聲村徑

隔小桃新柳坐黃鸝

北風吹裙帶

一鈎斜影上荼縻羅帶飄風不自持  
背却小姑娘私拜月水晶簾外又來窺

官蚕

女桑新綠映宮槐三月春風戴勝來織就鴛鴦錦千疋  
金刀先取合歡裁

燕姬墜馬

十五妖姬鬢似鴉金鉗婢面玉釵斜騎驃忽墜珊瑚

燈燕子低風掠杏花

春閨怨

寶鏡春風嬾畫眉  
紗窓明月闌  
彈碁閒來偶向池邊去  
楊柳青青又幾枝

小昆山贈雪浪禪師

曲水迴舟渡九峯  
座來窓外落疏松  
何緣二陸千將地  
無限藤花蔓草封

贈山僧

薤草澆花老比丘  
焚香時坐最高樓  
年來蹤跡厭城

市不向隣家借釣舟

同郁季雅過庵山慧川上人

窓中榆柳映繩床  
野色蕭疎納晚涼  
却笑城邊僧寺裏  
叩門遊客送迎忙

題聞一上人壁同孫世聲朱孟博

樹色周遮護水西  
竹扉花落小橋低  
庭中不獨馴飛鳥  
鷄爲聽經不敢啼

初夏欲往小昆山爲包彥平題扇頭紀事

當年曾築乞花塲  
花亭闌珊二陸堂  
今日棹歌山畔

去新蘆高柳半斜陽

米子華金華居士也彥平來雲間諸社友皆集  
鴛鴦湖頭送之渭城之句子華獨闋留以待  
之余爲拈此米南宮癡絕東坡謂吾從衆余  
亦類是耶

湖頭舞棹入蒹葭空望鴛鴦拍浪花臨別不曾留半  
偈數行空待不金華

梵園

梓樹新移綠蔭門此中獨坐了無言藤花堆裏金聲

出郊合山僧號梵園

春日題野寺

城隅激水帶斜暉如雪楊花點客衣犬吠隔村烟暖  
暖僧樓孤榻樹霏微

得純陽焚香掃石之句偶作一絕

掃石焚香過此生隱居亦自有勲名猶嫌剝啄驚門

雀何日峯頭坐月明

新秋雨中贈士倩女俠画扇頭

翩翩俠骨校書才才寫殘山未點苔獨坐小窓停筆

想盡中添却載花來

同南華載菊候士倩代題

斷橋茅屋點秋沙楓葉林端是妾家曾記重陽新雨  
後扁舟有客送贊花

題泖塔

泖上空波疊亂沙寺門橋斷半蒹葭何從一借風帆  
力醉挾飛鷗拍浪花

山中寺

一天秋色淡松花獨鶴歸來帶落霞石洞草深僧入

定白雲飛出護袈裟

題畫

秋氣叢叢撲暗沙紅樓燭冷聽琵琶曉來憑几看秋色隔浦芙蓉未着花

題瞻親圖似徐孝廉

當年堂上舞衣鮮此日瞻雲思惘然底是蛛絲網書篋涕餘愁見蓼莪篇

春郊卽事二首

十里松陰水上流晴沙細草臥江鷗過橋欲看春山

色一片寒雲落杖頭

其二

桃花春水鱖魚香帆影飛來挂綠楊一帶平沙似圖  
画醉聽鳥濯滄浪

題壽安寺壁

灌木陰陰殿角斜寺門一帶好人家春潮退後溪流  
急破網無魚掛落花

題漁圖

莘堦坐釣秋江湍沽酒容易求魚難世間好物不在

速三尺鱸魚晚上竿

秋隱

芙蓉如樹不開門  
水氣泠泠花氣渾  
長日山扉無一事  
蕉陰滿地鬪鵝鴨

送友人游南都

長干明月酒如泉  
荒桂紛紛撲画船  
匹馬踏開紅板月  
絲毫題帶白門烟

過孫世聲園居

日郭行遊日未斜  
尋常筍蕨稱山家  
枯藤半挂踈籬

畔一道香風鬱粟花

窟拂不拘韻

老梅一枝着地窟佳人走過紅裙拂忽然一陣香風  
來正欲聞之却又不

感世

兩丸日月催名利一片乾坤夾是非試聽中峯道人  
偈不如蓑笠上漁磯

送黃孟威之金陵

孟威唐元徵甥也

紅板月明桃葉冷白門霜薄柳枝黃從來甥也多如

舅此去何人敢雁行

送郁太碧歸就李

楓葉紅時滿屐霜  
歸家新秫酒花香  
何時撥却蘆花棹  
烟雨樓前話夕陽

初夏卽事

梅雨晴時處處蛙尋常  
家釀不須賒老親  
醉後盤飧散瓶裡  
初開夜合花

七夕晒書有感

竹館香清鳥下初辛  
勤頭白老潛夫兒曹空恨咸陽

火焚後殘書讀盡無

同玄宰山中看梅

酒瓢隨意坐山家醉後重扶上小車不是向人騎健  
骨春遊誰忍負梅花

聽泉

五色離離石子班誰開新畱試春泉泉聲如此聽不  
盡多買桃花種兩邊

送僧

臥游同汝到天台瀑布懸崖百道來夢裏泉聲還撼

夢不如真個到天台

春仲作

杏花如雪雨星星  
病骨支離一草亭  
三月芒鞋猶挂壁  
簷前山爲阿誰青

題鐵婆

吳中娘也

一種風流若個猜  
綺心俠骨最憐才  
依稀記得曾相見  
乍向嵇康鋸處來

鐵婆獨宿

清霜片片勸儂歸  
香氣籠衫酒力微  
賺入梅花魂夢

裏禁寒蝴蝶獨驚飛

題趙校書雲山

校書妓也

儂家住在百花濱  
理瑟焚香靜掩關  
好倩春風剪雲去  
開門先見望夫山

題無塵禪師立闌九載

達磨九年唯面壁  
無塵九年日夜立  
請師試叩枯骨頭  
可曾探得真消息

送吳君得南試

龍文五色齒新齊  
何處行空汗血蹄  
八月松風少年

酒滿堤叢桂李陵西

秋夜聽張女士鼓琴

高館踈燈露氣清黃花人瘦獨含情長卿不避臨邛  
令挑出簾前綠綺聲

贈項將軍徵父

駿馬名姬結隊遊杏花如雪滿紅樓千金買得秦時  
劍但斬奸雄不執仇

泛舟

池上新開白杏花半藏燕子半藏鴉船頭載酒頻呼

友夜抱蕉桐入酒家

贈殷東臯隱士

櫻桃花開春可憐何處遊人不放船却羨白頭殷處士鶴鳴聲外獨耕田

贈殷志伊

一領青蓑五尺鋤日斜槲葉護茆廬歸來濯足城邊石曲采蘋頭讀晉書

山居

四面群峯集草堂尚餘竹木繞廻廊莫言處士無功

業種得秋花滿地香

看梅作

種梅已過三百樹  
月下紛紛落香雪  
英雄忍作負心人  
料應難負梅花月

澄鑒寺詠十二絕

九月過泖橋僧舍移竹裏梅花種之小閣前  
竹壓梅花鶴不來呼童鋤出傍僧臺  
花神若解移花意好向小春先借開

竹留梅花

莫教荷鍊入林來  
留取疎花香滿臺  
別後情知無百步  
迢迢如隔隴頭開

梅花答竹

歸去衆香國裏來  
瀟湘化作望鄉臺  
若逢驛使書堪寄  
寄報得平安信早開

梅花別竹

儂出筠簷谷裏來  
獨憐君立妙高臺  
到門看竹知誰意  
不是子猷休浪開

竹送梅花

清風送汝出林來獨領羣芳最上臺汝有素心懷有  
節晚香珍重歲寒開

竹怨梅花

香風冷淡月空來清影蕭蕭獨倚臺剪取竹枝裁作  
笛落梅吹散也難開

梅花答竹

分携何處夢重來回首清陰尚滿臺有日彈琴修竹  
裏爲君絃上落還開

竹嘲梅花

相依相傍此君來綠萼仙人綠玉臺素質紅顏貌非  
昨巡簷却索老僧開

梅花嘲竹

誰向此君醫俗來共誰嘯咏共登臺渭川千畝侯千  
戶醉日知花開不開

僧爲梅解

一枝春信出牆來留伴山僧舊講臺  
梅有暗香吹不斷何曾與竹兩分開

眉公爲竹解

笑將梅竹小參來  
非色非空共一臺  
竹影不辭牕月冷  
光生帳底有花開

眉公又爲梅竹解

梅花道人一笑來  
爲爾寫竹清涼臺  
更添長松十萬樹  
雪裏月明相對開

春日雨霽同修能泛舟作

柳葉沉沉蘆筍肥  
碧湖青艸鷺鷺飛  
桃花一樹魚三尺  
不醉月明船不歸

試畊茶作

明月吟茶真快哉蕙蘭叢裏帶雲開一甌花乳非容易常伴深山虎穴來

題蘭竹

畫人寫竹如寫蒼蘭竹紛紛又如韭吾寫幽蘭別有神莫教誤入樵兒手

送孫世聲再遊虞山

歸來籬下菊花香摘得黃柑又帶霜夢到虞山秋未老又籠雙鶴渡斜陽

春天雨後

溪山雨後綠初齊移個扁舟西更西茶塢竹扉人不見深松細影叫黃鸝

夜游烟雨樓二首

散盡游人夜欲闌但聞烟外落鍾殘芙蓉半醉秋風裏鶴在雲中月在灘

其二

籠香挾茗弄孤舟不學人間恣浪游寂寂僧堂關夜月一聲鐵笛水雲秋

游烟雨樓

眉公集  
卷之七  
秋老蘋花帖岸開雪鷗一  
點夜飛來相逢但說游烟  
雨月白何人獨上臺

詞

漁家傲

游吳延陵別業作

虎丘南去谿流曲牆頭露出賛茅屋打掃新塲堆舊  
穀鷄犬熟估船慣伴漁舟宿轉個小廊松簇簇小橋  
淺瀨拈修竹好水好山綃一幅看不足雪花酒嬾梅  
花綠

青玉案

荅純父司馬

玉湖傲吏山中相又道是羲皇上歸後人間多孟浪  
金懸如斗玉危無當老眼何時放 誅奸短劒平戎  
帳顧盼生風氣悲壯夢裏回頭真幻妄鷓鴣蠻曲枕  
榔村釀畫取投荒像

點絳脣 春日同友人載妓游泖

泖口虛無小船點點如飛燕遠山難辨又隔垂楊線  
浪拍空花欲釣心情倦佳人倩花枝飄霰未許僧籬  
見

點絳脣 送包彥平歸鶯湖

凍浦烟沉荻蘆瑟瑟花如絮雁兒成字霜白人歸去  
歲逼青陽無計留儂儂住儂未知黯然別意殘燒斜陽  
樹

點絳唇

題天池

鍾鼓沉沉寺門落葉歸僧獨晚鴉初宿影亂牆頭竹  
長嘯峯前清籟飛空谷松如沐炊烟斷續杯底秋山  
綠

點絳唇

題孫世聲金石齋

水上人家子雲草閣相如壁室虛生白雲氣封金石

經案茶床一縷香烟織風無力床頭樹色迷斷遊人  
屐

避暑作

有箇人家半藏山翠楓丹裏獨坐屏風消受香煙縷  
檢點生平默默常無語何妨避暑但思量泰山松峨  
眉雪渭川萬竹瀟湘雨是誰共與嵇阮真爾汝

臨江仙

讀書臺卽事

婉夔非山松樹下石根結箇岩阿巧藏精舍恰無多  
尚餘簷隙地種竹與栽梧高臥不須愁客至客來

野筍山蔬一瓢濁酒儘能沽倦時呼鶴舞醉後倩僧  
扶

清平樂

村居卽事

東墟烟綠葺得黃茅屋短短竹扉楊柳禿時有鳬翳  
來浴從來拋俗况有兒能夜讀夢後一編閒一局  
空笑世人碌碌

一痕沙

舟中挾王六妓

記得去年穀雨柳蘸鵝黃春水上奏琵琶一痕沙  
幽罷留儂歸去家在竹西溪住古樹挂藤花吃新茶

粉蝶兒

詠清明非調九首

天付吾曹浪神仙  
短歌長嘯醉模糊  
批判花朝任他風  
任他雨將花嚦嗚  
這春光似酒難消  
肯付與落紅時  
一群啼鳥

醉春風

紫燕貼風飛  
黃鸝試雛巧  
粉牆門外賣花人  
一聲聲道道  
穀雨新晴禁烟乍  
歇清明來到

滿庭芳

家家祭掃西船容  
與白馬迢遙提壺  
挈榼沿村到難

畫難猶青竹  
秋半挑山色  
紫藤筐亂揷  
花梢紅衫粉  
面爭調笑高  
呼低喚齊渡小  
溪橋

普天樂

北邙山東陵道英雄氣盡松柏蕭蕭太極兒虛圈套  
一片斜陽閑花草到如今白骨堆高紅顏粉銷狐狸  
來吊野鳥悲號

折桂令

一場扯淡滿眼蕭條舊墳兒却翻了新墳短蒿兒却  
變了長蒿老農也難曉把三尺白泠泠的短鋤來犁

着唐裝兒不分茅草漢陵兒任意蘇樵麥飯誰挑  
酒誰澆蒼兔青蠅夜夜朝朝

錦上花

粉塑的骷髏十分輕俏泥塑的皮囊百般喧鬧蟻穴  
裡肌肉浪薰麝腦鴉啄上肝腸枉弄花巧

么

牛羊眠一回牧童睡一覺兒孫們在那一處兒耍笑  
七尺碑向神前路蹠蹠撲倒龜背的文章拈不出了

碧玉簫

洒淚荒郊天地摠虛泡挂劍松梢凡聖摠衰草忒懊惱紙錢飛鬼憐號風雨又飄行人又勞杜鵑喚道歸來好

鴛央煞

彈丸世界多煩惱轆轤心地多顛倒名利何時了隙中駒夢中鹿空中鳥恨只恨聖賢拘緊的急造化提戲的巧一杯土匆匆草草空博得滿地桃花紅零星沒人掃

右余所撰北曲每於花影月陰時自歌自飲梁伯

龍云老子見之當低首攢眉不獨喚醒俗兒醉夢也

步步嬌

遙憶去年橋上會中多少豪英長溝流月去無聲杏花踈影裡吹笛到天明

醉春風

題小濤扇頭紅梅

道是桃花不是道是杏花不是曾記曾記恰似小濤

初醉

點絳脣

暮春同仲文振之過悟宗上人山寮題壁

春草如雲夜來繡出生公石鳥啼山寂送盡遊人屐  
有一沙彌獨掩毬耶室茶烟碧峯頭月出床上松  
花白

松下樂

和張伯雨

年來何事太清涼跳出鉤人名利場滿園林竹樹紛  
紛長舉杯時細草斜陽掃蒼苔拂白石說一餉逍遙  
話供一爐清淨香要眠時藤枕繩床

陳眉公集卷之四